



Lars Poulsen
Inatsisartunut ilaasortaq, Siumut
inasisartut@inatsisartut.gl

Ittoqqortoormiini mittarfik pillugu § 37 naapertorlugu apeqqummut 2025-152-imut akissut

Brevdato: 28-10-2025
Sagsnr. 2025 - 20989
Akt id. 25822898

Asasara Lars Poulsen, Siumut

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

2026-mut aningaasanut inatsisissatut siunnersuut aamma Ittoqqortoormiini mittarfimmik sanaartornissaq pillugit Naalakkersuisunut Inatsisartut suleriaasianni § 37 naapertorlugu apeqquteqarputit. Apeqqutit ataani issuarneqarput akineqarlutillu.

Apeqqut:

Naalakkersuisut nassuiarsinnaavaat, sooq 2026-mut aningaasanut inatsisissatut siunnersuummi Ittoqqortoormiini mittarfiliortoqarnissaanut aningaasaliisoqarniannnginnersoq, naak naalakkersuisooqatigiinnissamut isumaqatigiisummi ersarissumik anguniagaagaluartoq Tasiilami aamma Ittoqqortoormiini mittarfiliortoqassasoq?

Akissut:

Ilumoorpoq Ittoqqortoormiini mitaarfimmik sanaartornissamut 2026-mut aningaasaliissutit aningaasanut inatsisissatut siunnersuummi immikkoortitsisoqarnikuunngitsoq. Nunatsinni sanaartornernut aningaasanik atugassanngortitsinerni aningaasaliinernut tunngaviit marloqiusat malinneqarnerat tunngavigalugu tamanna isigineqassaaq. Siullermik, ukiumoortumik aningaasanut inatsimmi aningaasaliinikkut imaluunniit Inatsisartut Aningaasaqarnermut Akileraartarnermullu Ataatsimiititaliaannut ilassummik aningaasaliissutissanik qinnuteqarnikkut, sanaartornissap pilersaarusiortarnerat neqeroortitsinermullu aningaasaliisoqartarnerat tunngavik kinguneqarpoq. Sanaartornissamik pilersaarusiortoqareeraangat suliarinnittussarsiuussinerlu naammaginartumik inerreqaraangat, sanaartornissamut missingiut A naapertorlugu aningaasanik atugassanngortitsisoqarnissaanik Aningaasaqarnermut Akileraartarnermullu Ataatsimiititaliamut qinnuteqartoqartarpoq.

Ittoqqortoormiini nunap immikkoortuani mittarfimmik pilersaarusiortarnermut siunnersuusiortarnermullu konto pingaarnerup 87.73.20 Mittarfiit

aaqqissuussaanerannik annertusaaneq ataani, suliniummut nr. 25.217
Ittoqqortoormiit 2022-mut ilassutitut aningaasaliissutini 0,6 mio. kr.-t
aningaasaliissutigineqarnikuupput (IA-suliap normua 22-00986)

Pilersaarusiornernut inaarsarnissaanut, tassunga ilanngullugit sanaatornissamik
pilersaarusiornernut aamma Ittoqqortoormiini nunap immikkoortuani
mittarfimmik sanaatornissaq pillugu paasisaqarniarluni silaannakkut
angallannernut oqartussanut, aamma avatangiisinut oqartussanut
oqaloqateqarnernut atatillugu siunnersortinut akiliutinut Aningaasaqarnernut
Akileraartarnermullu Ataatsimiititaliap 17. december 2024-mi akuersineratigut
saniatigut 2,3 mio. kr.-nik immikkoortitsisoqarpoq (IA-suliap normua 254-
01118).

Taamaalilluni pilersaarummut ataatsimut isigalugu katillugit 2,9 mio. kr.-nik
immikkoortitsisoqarpoq, tamanna aamma 2026-mut aningaasanut inatsisissatut
siunnersuummi sanaatornernut tabelimi allaqqavoq, qupperneq 238-mi
(kalaallisuuani).

Danmarkimi naalakkersuisut aamma Naalakkersuisut akornanni
sinaakkutaasumik isumaqatigiissut Ittoqqortoormiini nunap immikkoortuani
mittarfimmik nutaamik sanaatornissaq pillugu immikkoortumik imaqarpoq.
Naalakkersuisut sinaakkutaasumik isumaqatigiissummi siunertat naapertorlugit
suliniut suliaq nangippaat pilersaarusiornerrillu aallartinneqareerput.

Neriuppunga apeqqutitit qulaaniittumi akineqartut.

Inussiarnersumik inuulluaqqusillunga



Múte B. Egede